

Na osnovu člana 42.Zakona o državnoj službi u Unsko-sanskom kantonu („Službeni glasnik Unsko-sanskog kantona „ broj:14/17, 16/17 i 15/20), Pravilnika o uslovima i načinu odabira kandidata za prijem u organ državne službe na određeno vrijeme antonu („Službeni glasnik Unsko-sanskog kantona„ broj:23/17) Ministarstvo zdravstva, rada i socijalne politike Unsko-sanskog kantona raspisuje:

**JAVNI OGLAS
ZA PRIJEM U RADNI ODNOS NA ODREĐENO VRIJEME**

I Naziv radnog mjesta:

Viši referent za prikupljanje i obradu podataka, u Sektoru zdravstva, Odsjek za ekonomsko-pravne poslove, zdravstvenu zaštitu i zdravstveno osiguranje 1 izvršilac

II Opis poslova radnog mjesta:

- a) vodi propisanu evidenciju, kao i izradu informacija, analiza, izvještaja i drugih analitičkih materijala iz nadležnosti Ministarstva;
- b) prikuplja podatke i vrši objedinjavanje i obradu podataka;
- c) vrši razmjenu podataka sa drugim organima i pravnim osobama i drugim subjektima, kao i ustrojavanje, vođenje i ažuriranje baze podataka iz nadležnosti Ministarstva;
- d) učestvuje, kao podrška, u procesu prikupljanja podataka iz različitih izvora, koji se koriste za monitoring, evaluaciju ili izradu studija/ istraživanja u nadležnosti Ministarstva;
- e) pomaže operativno, metodološki i tehnički, na realizaciji istraživanja vezanim za nadležnosti Ministarstva;
- f) vrši kontrolu zakonitosti rada i primjene pisanih procedura iz djelokruga rada (samokontrola);
- g) obavlja poslova kancelarijskog i arhivskog poslovanja;
- h) obavlja i druge poslove po nalogu neposrednog rukovodioca, pomoćnika ministra i ministra.

Razlozi za prijem na određeno vrijeme: radi obavljanja hitnih poslova čije izvršenje ne trpi odlaganje, a koji su po svojoj prirodi takvi da bi njihovo odlaganje ili neizvršenje prouzrokovalo štetne posljedice.

Period trajanja radnog odnosa: na određeno vrijeme na period od 1 (jedne) godine

Uvjeti za zasnivanje radnog odnosa :

Da bi bio postavljen na radno mjesto namještenika mora ispunjavati opće uvjete utvrđene u članu 76 Zakona o državnoj službi u Unsko-sanskom kantonu:

- da je državljanin Bosne i Hercegovine;
- da je stariji od 18 godina;
- da je zdravstveno sposoban za obavljanje poslova ovog radnog mjesta;
- da nije otpušten iz državne službe kao rezultat disciplinske mjere, na bilo kojem nivou vlasti u Bosni i Hercegovini u posljednje 2 (dvije) godine od dana objavljivanja upražnjeneog radnog mjesta;
- da nije obuhvaćen odredbom člana IX .1 Ustava Bosne i Hercegovine;
- da se protiv njega ne vodi krivični postupak.

Posebni uvjeti:

- da ima završenu srednju školu IV stepena- gimnazija ili ekonomska škola,
- položen stručni ispit općeg znanja,
- najmanje 10 mjeseci radnog iskustva i
- poznavanje rada na računaru.

Spisak potrebnih dokumenata kojima se dokazuje ispunjavanje uslova iz oglasa

Kandidati koji konkurišu su dužni uz prijavu na ovaj oglas dostaviti originalne ili ovjerene fotokopije slijedeću dokumentaciju:

- biografiju sa kontakt podacima (adresa i broj telefona),
- izvod iz Matične knjige državljana (uvjerenje o državljanstvu),
- diplomu o završenom obrazovanju,
- dokaz o položenom stručnom ispitu za namještenike,
- uvjerenje o radnom iskustvu (podrazumjeva se radno iskustvo u struci sa završenom SSS)
- certifikat o poznavanju rada na računaru,
- ovjerenu izjavu da nije otpušten iz državne službe kao rezultat disciplinske mjere, na bilo kojem nivo vlasti u Bosni i Hercegovini u posljednje 2 (dvije) godine od dana objavljivanja upražnjeneog radnog mjesta.

Uvjerenje da se ne vodi krivični postupak i uvjerenje o zdravstvenoj sposobnosti za obavljanje poslova ovog radnog mjesta dostavlja samo kandidat koji bude izabran.

Kandidati koji su rođeni poslije 1980-e godine nisu dužni podnositi dokaz o ispunjavanju uvjeta da nije obuhvaćen odredbom člana IX.1. Ustava Bosne i Hercegovine.

Prijave sa traženom dokumentacijom se dostavljaju putem pošte, preporučeno ili lično na sljedeću adresu: Vlada Unsko-sanskog kantona – Ministarstvo zdravstva, rada i socijalne politike, Komisija za izbor, Ul. Alije Đerzeleza br.6. Bihać, sa naznakom na koverti:

„Prijava na javni oglas - ne otvaraj“.

Oglas ostaje otvoren 8 dana od objavljivanja u „Večernji list“ Mostar i internet stranici Vlade Unsko-sanskog kantona-Ministarstvo zdravstva, rada i socijalne politike. Prijave koje ne sadrže propisano ovim oglasom, kao i prijave podnesene istekom roka utvrđenog u ovom oglasu, odbacit će se kao nepotpune, odnosno neblagovremene, te se kao takve neće uzeti u razmatranje.

Nakon završene procedure imenovanja, prijave i dokumentacija se neće po službenoj dužnosti vraćati kandidatima koji su aplicirali na ovaj javni oglas.